



CONVENIO REGULADOR PARA CONCESIÓN DIRECTA DA SUBVENCIÓN-CULTURAL PARA O ANO 2018 ENTRE O CONCELLO DE VILAGARCÍA DE AROUSA E A ENTIDADE CINE CLUB ADEGA

En Vilagarcía de Arousa, a 15 de outubro de 2018

REUNIDOS:

Dunha parte, D. Alberto Varela Paz, Alcalde-Presidente, do Concello de Vilagarcía de Arousa, con enderezo en Praza Ravela nº 1 - 36600 - Vilagarcía de Arousa, en virtude das facultades representativas que lle atribúe o artigo 21-1b) DA LEI 7/1985, do 2 de abril, Reguladora das Bases do Réxime Local.

Doutra, Don Fernando López Pérez, con DNI 35.466.200-Q, como Presidente da entidade Cine Club Adegas con C.I.F.: G-36018513 con enderezo en Praza Independencia nº 2 de Vilagarcía de Arousa, actuando en representación da devandita entidade/institución.

Ámbalas dúas partes se recoñecen mutuamente a capacidade xurídica necesaria para a formalización do presente Convenio e de común acordo,

EXPOÑEN:

Primeiro: A Lei 38/2003 de 17 de novembro, Xeral de Subvencións establece no capítulo III no artigo 28 o procedemento de concesión directa de subvencións.

Segundo: A subvención que se tramita non pode ser obxecto de publicidade e concurrencia o tratarse de actividades concretas realizadas por unha única entidade/ persoa, ou que sendo realizada por varias, concédense a tódolos solicitantes.

Terceiro: Acredítase o interese público, cultural, económico da subvención, destinada a:

- promoción e difusión da cultura audiovisual, para achegar a cidadanía un amplo abanico de pezas e proxectos que dificilmente poderían disfrutar nun amplo formato de calidade.
- Proxeccións de filmes que se atopan fora do circuito comercial actual, e sempre en versión orixinal subtitulada.
- Dotar a Vilagarcía dun canal de distribución estable e de calidade que converta a esta cidade nun lugar de referencia, como foi noutros tempos, con respecto a esta arte




- Contribuír a unha mellora da cultura audiovisual galega convertendo o lugar de proxección nun punto de encontro, ademáis de acercar ó público películas as que non tería acceso e ensinar o cine dun xeito educativo e crítico o público infantil e xuvenil da cidade
- Axudar a dinamización e promoción turística

Cuarto: O solicitante manifesta non estar en ningunha das situacións que establece o artigo 13.2 da lei 38/2003 que imposibilita a obtención das condicións de beneficiarios, estando o corrente nas súas obrigacións coa Axencia Tributaria, Seguridade Social, Comunidade Autónoma e Concello de Vilagarcía de Arousa



CLAUSULAS:

PRIMEIRA: XUSTIFICACIÓN DA CONCESIÓN DIRECTA DA SUBVENCIÓN



O Concello de Vilagarcía de Arousa, dentro das súas competencias, que ten atribuídas pola lexislación vixente, e no referente ás actividades culturais e instalacións culturais, ten entre os seus propósitos, está incentivar a creación cultural apoiando economicamente os procesos creativos e promover o patrimonio cultural, organizando, patrocinando e colaborando en todos aqueles eventos a favor da conservación e defensa da tradición cultural do noso pobo, así como a formación, promoción e produción de actividades de toda índole (festivais, exposicións, patrimonio, historia...) de interese xeral e para todo público en xeral.

Cine Club Adegas, leva dende 1976 participando e dinamizando a vida cultural de Vilagarcía de Arousa, ofrecendo durante moitos anos variadas e múltiples actividades, cabe destacar unha proxección de cine cada semana, un concurso fotográfico e a exitosa Semana de Cine, que se celebra durante unha semana entre os últimos días de xullo e primeiros días de agosto con proxeccións de varias películas ao día, con unha gran repercusión entre os habitantes de Vilagarcía e arredores, así como os turistas que se acercan a nosa cidade.

SEGUNDA: OBXECTO DA SUBVENCIÓN.

Cine Club Adegas, contribuirá a satisfacer os intereses culturais e inquietudes do Concello de Vilagarcía de Arousa e dos seus habitantes, mediante o fomento de actividades culturais a desenvolver dentro do municipio mediante o desenvolvemento dun labor social, educativo, contribuíndo a conservación do patrimonio cinematográfico municipal a través das distintas actividades programadas durante o ano 2018.



TECEIRA: ACTIVIDADE A SUBVENCIONAR:

II- A actividade a subvencionar e a PROXECCÍONS DE CINE, OBRADOIROS DURANTE 2018 concedéndose a cantidade de 3.000 € con cargo a 334-489

As actividades previstas, celebrense:

- Sesións de cine con proxeccións de diversas películas, que se celebran os mércores da tempada, ás 21 hs. no Salón García de Vilagarcía.
- Semana do Cine, que se realiza anualmente, no últimos días do mes de xullo e primeiros días de agosto, sendo unha semana intensiva de proxeccións. Proxectanse longametraxes e curtametraxes que presentan os seus directores e teñen unha charla có público.
- Tamén se realizan proxeccións ao aire libre e actuacións musicais en directo (Super Cine Swing: evento no que se imparten clases de swing na rúa, para logo poñelas en práctica durante unha proxección audiovisual, todo gratuito e nas rúas da Vila)
- Proxeccións de cine infantil en horario adaptado
- Obradoiros como "Iniciación práctica á iluminación no cinema"

CUARTA. OBRIGAS DA BENEFICIARIA.

Cine Club Adegas, comprometése a:

I.- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.

II.- Incluír en toda a programación da actividade subvencionada a imaxe corporativa que nese momento teña establecida o Concello de Vilagarcía de Arousa.

III.- Xustificar ante o órgano que concede a subvención ou entidade colaboradora, no seu caso, o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce da subvención.

IV.- Someterse ás actuacións de comprobación, a efectuar polo órgano que concede a subvención ou a entidade colaboradora, no seu caso, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos como estatais ou comunitarios, achegando tanta información lle sexa solicitada no exercicio da realización da actividade.



V.- Comunicar ao órgano que concede a subvención ou a entidade colaboradora a obtención de outras subvencións, axudas, ingresos ou recursos que financien as actividades subvencionada, así como a modificación das circunstancias que fundamentaran a concesión da subvención. Esta comunicación deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.

VI.- Acreditar con anterioridade a que se dite a proposta de recoñecemento da obriga que se está o corrente no cumprimento das súas obrigas tributarias e fronte á Seguridade Social, e que non ten pendente de pagamento ningunha outra débeda coa Administración Pública a Comunidade Autónoma, na forma que se determine regulamentariamente, e sen prexuízo do establecido na Lei 39/2015, de 1 de outubro, de réxime xurídico das administracións públicas e do procedemento administrativo común.

VII.- A conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

VII.- Comprométese, a estar o corrente coas súas obrigas tributarias (co Estado e coa Comunidade Autónoma) coa Seguridade Social e non ter débedas de ningún tipo có Concello de Vilagarcía de Arousa.

QUINTA: FINANCIAMENTO:

O Concello de Vilagarcía de Arousa, comprométese a conceder a cantidade de 3.000,00€, pola realización das distintas actividades de PROXECCÍONS DE CINE, OBRADORIOS DURANTE ANO 2018, con cargo a aplicación orzamentaria 334-489 do estado de gastos.

A presente subvención é compatible coa percepción doutras axudas, ingresos ou recursos para a mesma finalidade, procedentes de calquera administración ou entes públicos ou privados, estais, da Unión Europea ou de organismos internacionais, pero en ningún caso, illadamente ou en concorrencia con outras subvencións, axudas, ingresos ou recursos, poderán superar o custe da actividades subvencionada.

SEXTA: OBRIGAS DO CONCELLO:

I.- O Concello de Vilagarcía de Arousa comprométese a publicitar por todos os canles de que dispón, todas as actividades previstas no evento a subvencionar.



II.- Unha vez xustificado debidamente nos termos da lexislación vixente o cumprimento do obxecto da subvención, e fiscalización de conformidade, o Concello comprométese ao recoñecemento da obriga e pagamento da subvención.

III.- Para o recoñecemento da obriga é imprescindible a execución íntegra do obxecto da subvención no seu labor público, social económico, así como de conservación do patrimonio, o que deberá ser valorado polo órgano de xestión responsable da área, e debidamente xustificado.

SETIMA: GASTOS SUBVENCIONABLES:

I.- Considéranse gastos subvencionables aqueles que de maneira indubidable respondan á natureza da actividade subvencionada e se realicen no prazo establecidos (art. 29 da Lei de Subvencións de Galicia 9/2007)

II.- Cando os importes do gasto subvencionado superen as contías establecidas na lei 9/2017 de 9 de novembro de Contratos de Sector Público para o contrato menor, o beneficiarios deberá solicitar como mínimo tres ofertas de diferentes provedores, **salvo que por as súas especiais características non exista no mercado suficiente número que os realicen, presten ou subministren.**

III.- En ningún caso considéranse gastos subvencionables os impostos indirectos cando sexan susceptibles de recuperación ou compensación, así como os persoais sobre a Renta (art. 29.8 da lei 9/200 de subvencións de Galicia)

IV.- Non serán subvencionables os gastos por dietas e desprazamentos que non garden relación coas actividades recollidas neste convenio, así como calquera gasto que derive de actividades propias da entidade, salvo autorización expresa da Concellería de Cultura.

OITAVA: XUSTIFICACIÓN DA SUBVENCIÓN:

I.- Cine Club Adegas comprométese a xustificar durante o ano de vixencia da Subvención-Cultural, a cantidade acordada, con todos os documentos necesarios nos termos do artigo 28 da Lei de Subvencións de Galicia 9/2007, e en todo caso antes do **30 de novembro de 2018**.

II.- Deberá xustificar o 100% do importe subvencionado para a percepción íntegra da subvención, unha menor xustificación dará lugar a un recoñecemento proporcional da axuda comprometida.



III.- Considerase gasto realizado aquel que foi efectivamente pagado con anterioridade á finalización do período de xustificación.

IV.- A efectos de XUSTIFICACIÓN DE SUBVENCIONS CONCEDIDAS, será requisito necesario a presentación , mediante escrito dirixido á Concellería da área que a concedeu, da Conta xustificativa que conterá:

1. Memoria de actuación con indicación das actividades realizadas, asinada polo representante legal da entidade.
2. Memoria económica xustificativa do custo segundo o Modelo de Conta xustificativa de subvencións, asinada polo representante legal da entidade, que conterá:
 - Relación de todos os gastos realizados no proxecto subvencionado, con identificación da factura, importe e proveedor.
 - Relación detalladas de todos os ingresos con que se financiou a actividade (incluíndo a subvención concedida) con indicación do seu importe e procedencia.
 - Declaracións segundo os puntos b) ata g).
3. Certificados de atoparse ó corrente coas obrigas tributarias e coa Seguridade Social. (Certificados da AEAT, Consellería de Facenda e Seguridade Social), salvo no caso de axudas inferiores a 600 euros que poderá substituírse por Declaración responsable asinada polo representante legal da entidade.
4. Facturas orixinais ou fotocopia compulsada das mesmas, cos requisitos establecidos no R.D.1619/2012. Como mínimo conterán:
 - nº de factura e indicación expresa de que se trata dunha factura, lugar e data de emisión.
 - Denominación social, nif e domicilio de quen expide a factura e do destinatario
 - Descrición e data de realización da operación.
 - Importe, desglose do IVE con indicación do tipo aplicable e total. Non se admitirán facturas no que se faga constar "IVE incluído".
 - Recargos, descontos e retencións aplicables.
5. Ademais nas facturas, **deberá acreditarse o seu pagamento** da seguinte forma:
 - En todas as facturas deberá aparecer conxuntamente as seguintes indicacións:
 - "pagado" ou "recibín",
 - data do pago
 - firma e identificación da mesma (dni ou nome completo de que asina)
 - Selo da entidade
 - Cando a factura teña sido pagada mediante transferencia bancaria ou talón deberá aportarse extracto bancario que xustifique a transferencia ou ingreso na conta do beneficiario.
 - As operacións cun importe superior aos 2.500€ non poderán ser pagadas en efectivo, de acordo co previsto na Lei 7/2012 de 29 de outubro, polo que deberá acreditarse o seu pago mediante o cargo na conta bancaria correspondente



VI- No caso de gastos imputables á actividade, como nóminas ou porcentaxes de facturas, deberán acompañarse estas de informe onde se certifique a porcentaxe aplicable á actividade.

VII- A Intervención municipal, correspóndelle a competencia para exercer o control financeiro da subvención. De acordo ao establecido no art. 44 da LSG o control financeiro da subvención poderá abarcar:

- a) O exame dos rexistros contables, contas ou estados financeiros e a documentación que os soporte de beneficiarios e entidades colaboradoras.
- b) O exame de operacións individualizadas e concretas relacionada ou que poidan afectar ás subvencións concedidas.
- c) A comprobación de aspectos parciais e concretos dunha serie de actos relacionados ou que puidesen afectar ás subvencións concedidas.
- d) A comprobación material dos investimentos financiados.
- e) As actuacións concretas de control que deban realizarse conforme ao que en cada caso estableza a normativa reguladora da subvención e, no seu caso, a resolución de concesión.
- f) Calquera outra comprobación que resulte necesaria en atención ás características especiais das actividades subvencionadas.

NOVENO: SEGUIMIENTO E CONTROL DO CONVENIO

O seguimento será realizado conxuntamente, nos ámbitos correspondentes, polo presidente de Cine Club Adegas debendo contar co visto e prace da Concelleira de Cultura do Concello de Vilagarcía de Arousa, de acordo coas súas funcións e competencias, emitindo en cada caso e momento os informes que se lles soliciten e sexan preceptivos, e como mínimo un Informe-Memoria que acompañará á xustificación da subvención concedida

En proba de conformidade, selan e asinan por ambas partes a presente Subvención-Cultural, por duplicado exemplar, no lugar e data sinalada no encabezamento, quedando un exemplar en poder de cada unha das partes.

Polo Concello de Vilagarcía de Arousa o Alcalde-Presidente D. Alberto Varela Paz e por parte D. Fernando López Pérez, en calidade de Presidente de Cine Club Adegas

Asdo.

D. Alberto Varela Paz
O Alcalde-Presidente

Asdo.

D. Fernando López Pérez
Presidente Cine Club Adegas